

通鑑地理通釋卷之六

周形執攷

周室微諸侯不享覲天子之在者惟祭與號通鑑記始於威烈王命魏趙韓稽古錄曰三大夫始受天子之命禮之紀綱盡矣蓋文侯之命書所以終平王東遷春秋所以始知趙韓魏闕左傳之終也魏趙韓爲諸侯通鑑之始也源流貫通相爲經緯觀通鑑者當自書春秋始今略攷周之地執系於

地理通釋

卷之六

汲古閣

七國之前

左氏傳景王使詹桓伯辭於晉曰我自夏以后稷魏駘芮岐畢吾西土也及武王克商蒲姑商奄吾東土也巴濮楚鄧吾南土也肅慎燕亳吾北土也吾何邇封之有

杜氏曰夏世以后稷功受五國爲西土之長

魏陝州芮城縣本魏國地魯桓公時芮伯萬出居于魏卽此地漢河北縣地後周改芮城 駘

京兆府武功縣本郃邑后稷所封亦作釐漢屬
右扶風後漢省武功亦漢縣治故釐城 芮同
州馮翊縣本芮國漢臨晉縣地屬左馮翊隋改
縣曰馮翊 岐鳳翔府岐山縣東北十里有岐
山通典文王徙於岐卽此縣孟子春子言文王
治岐杜氏注在美陽縣西北輿地廣記岐陽縣
漢美陽縣地太王邑岐山之下詩謂居岐之陽
文王亦治焉唐省入扶風縣爲岐陽鎮 畢在

地理通釋

卷之六
二

汲古閣

京兆府咸陽縣西北郡縣志畢原在京兆府萬
年縣西南二十八里詩注云畢終南之道名也
書周公葬於畢畢原卽咸陽縣所理是也左傳
畢文之昭也卽謂此地原南北數十里東西二
三百里亦謂畢陌通典文王葬畢初王季都之
後畢公高封焉 蒲姑注云博昌縣北有蒲姑
城通典姑幕縣故城在密州莒縣東北古蒲姑
氏國郡縣志薄姑故城在青州博昌縣東北六

十里

今博興縣

輿地廣記青州博興縣有薄姑城商

末爲諸侯居此成王滅之晏子曰蒲姑氏因之

而後太公因之商奄左傳因商奄之民說文

郁國在魯括地志兗州曲阜縣奄里卽奄國之

地周有徐奄注二國嬴姓書序成王東伐淮夷

遂踐奄遷其君於蒲姑巴重慶府巴縣本江

州縣古巴國今重慶黔達施忠萬開涪州南平

軍渠資普昌合州廣安軍皆其地也秦取其地

地理通釋

卷之六

汲古閣

立巴郡濮見牧誓伊尹爲四方獻令正南百

濮郡國志越雋會無縣華陽國志曰故濮人邑

鄭語楚蚡冒始啓濮劉伯莊曰濮在楚西南左

傳麋人率百濮聚於逸將伐楚通典有尾濮水

綿濮文面濮折腰濮赤口濮黑黻濮爾雅南至

於濮鈇周書王會卜人丹砂注云西南之蠻蓋

濮人也諸濮與哀牢地相接楚商頌奮伐荆

楚荊州之楚國也周封熊繹爲楚子今歸州秭

歸縣東南丹陽城 鄧襄陽府鄧城縣漢爲鄧
縣唐爲臨漢縣有故鄧城在縣東北二十二里
卽鄧國 肅慎北夷在玄菟北三千餘里通典
挹婁卽古肅慎之國在不咸山北夫餘東北千
餘里濱大海勿吉在高句麗北亦古肅慎國地
靺鞨卽勿吉也 燕在涿鹿山南召公所封都
幽州薊縣北燕伯款始見春秋 亳秦紀寧公
與亳戰皇甫謐云西夷之國 此土之
亳未詳

地理通釋

卷之六
四

汲古閣

國語史伯曰當成周者南有荆蠻申呂應鄧陳蔡
隨唐北有衛燕翟鮮虞路洛泉徐蒲西有虞虢晉
隗霍楊魏芮東有齊魯曹宋滕薛鄒莒

荆蠻注云芊姓之蠻鬻熊之後蠻芊蠻矣謂叔
熊在濮從蠻俗也今按詩云蠻荆叔向曰昔成

王盟諸侯于岐陽楚爲荆蠻置茅蕝設望表與

鮮牟守燎故不與盟荆蠻卽楚也

春秋莊公世
書荆僖元年

乃書楚人伐鄭
蓋始改爲楚

申姜姓詩申伯故申城在鄧

州南陽縣北二十里南陽秦宛縣國在今鄧州
信陽軍之境 呂姜姓書呂侯故呂城在鄧州
南陽縣西四十里林氏曰秦漢之際南陽爲要
地楚有圖北方之志其君多居于申合諸侯又
在焉子重請申呂爲賞田巫臣曰不可此申呂
所以邑也是以爲賦以禦北方若取之是無申
呂也晉鄭必至于漢申卽宛也方城之險楚所
恃而申在方城之內冥阨之險又在方城之內

地理通釋

卷之六
五

汲古閣

應姬姓武王子封

在汝州魯山縣

漢志潁川郡父城

縣應鄉故國秦范睢封應侯縣廢入汝州葉縣

鄧曼姓

見前

陳媯姓周封舜後滿以備三

恪在陳州宛丘縣

蔡姬姓文王子所封蔡州

上蔡縣蔡叔始封也平侯自上蔡遷新蔡縣

隨姬姓在隨州隨縣左傳漢東之國隨爲大

唐姬姓隨州唐城縣故唐國漢爲上唐鄉屬春

陵晉置上唐縣隋改唐城

衛姬姓康叔之封

都殷之朝歌衛州及黎陽野王皆衛之分 燕

姬姓 見前 翟隗姓白狄有延安府鄜丹綏廓

銀石州之地 鮮虞姬姓在翟者今中山府新

樂縣 古鮮虞國戰國為中山 路妘姓春秋赤狄潞氏今

潞州潞城縣 洛隗姓漢匈奴傳武王放逐戎

夷涇洛之北注云洛即漆沮水也出上郡雕陰

秦冒山東南入于渭後漢西羌傳洛川有大荔

之戎 泉隗姓左傳泉臯之戎注云今伊闕北

地理通釋 卷之六 汲古閣

有泉亭 徐注云赤翟隗姓 蒲注云赤翟隗

姓 虞姬姓武王封太王子仲雍之後為虞公

陝州平陸縣吳山在西北有虞城 號姬姓西

號號叔之後陝州陝縣上陽故城在縣東兼號

州為南境東號號仲之後在孟州汜水縣制邑

故虎牢城 晉姬姓唐叔之後燮父改唐為晉

今太原府陽曲縣 隗姬姓 未詳其地 霍姬

姓文王子叔處所封在晉州霍邑縣 楊姬姓

晉州洪洞縣本楊侯國漢爲楊縣隋改洪洞取
嶺爲名 魏姬姓河中府永樂縣古魏國詩謂
魏地狹隘漢河北縣唐分芮城置永樂 芮姬

姓

見前

齊姜姓太公望之後都營丘今青州

臨淄縣

魯姬姓周公旦之後伯禽宅曲阜今

襲慶府仙源縣

曹姬姓文王子振鐸之後宅

陶丘今興仁府濟陰縣東北三十七里定陶故

城 宋子姓微子後爲宋公今應天府宋城縣

地理通釋

卷之六

汲古閣

滕姬姓文王子叔繡所封今徐州滕縣西南

十四里有滕城

薛任姓奚仲所封漢有薛縣

故國後廢故城在徐州滕縣東 鄒曹姓春秋

邾子陸終之後今襲慶府鄒縣 莒已姓東夷

之國今密州莒縣 曹元首六代論曰三代之

君與天下共其民故天下同其憂秦王獨制其

民故傾危而莫救夫與人共其樂者人必憂其

憂與人同其安者人必拯其危先王知獨治之

不能久也故與人共治之知獨守之不能固也
故與人共守之兼親疏而兩用參同異而並進
是以輕重足以相鎮親疏足以相衛并兼路塞
逆節不生及其衰也桓文帥禮苞茅不貢齊師
伐楚宋不城周晉戮其宰王綱弛而復張諸侯
傲而復肅二霸之後寢以陵遲吳楚憑江負固
方城雖心希九鼎而魯迫宗姬姦情散於冒懷
逆謀消於唇吻斯豈非信重親戚任用賢能枝

地理通釋

卷之六
八

汲古閣

葉碩茂本根賴之與自此之後轉相攻伐吳并
於越晉分爲三魯滅於楚鄭兼於韓暨乎戰國
諸姬微矣唯燕衛獨存然皆弱小西迫強秦南
畏齊楚救於滅亡匪遑相恤至於王赧降爲庶
人猶枝幹相持得居虎位海內無主四十餘年
林氏曰春秋歷十三王君無弑逆之禍臣無
專擅之變外弱而內固枝傷而幹存故晉齊多
叛臣宋鄭多叛親魯多叛邑衛多叛民而周無

僭逆之亂齊俗好游秦俗好兵晉魏之俗褊鄭
衛之俗淫而周無變易之風齊作內政晉作爰
田魯作丘甲鄭作封洫而周之政則守先王之
政晉大夫貪鄭大夫侈魯大夫抗齊大夫驕而
周之臣則貴先王之禮齊晉有世臣而無公族
宋魯有公族而無世臣權在世臣則雖強而亡
權在公族則雖存而削惟周之立國兼而有之
親疏相制本枝相維凡此者皆非諸國之所及

地理通釋

卷之六
九

汲古閣

也故秦雖免胄而過門楚雖觀兵而問鼎吳雖
告勞而矜功亦終懾服內聽而不敢動況中國
之君乎

左氏傳桓王八年與鄭人蘇忿生之田溫原絺樊
隰郟欒茅向盟

音孟

州陘隤懷惠王五年與鄭伯武

公之略自虎牢以東與虢公酒泉襄王十七年與
晉侯陽樊溫原欒茅之田晉於是始啓南陽

漢地理志周地今河南雒陽穀城平陰偃師鞏

緱氏是其分也初雒邑與宗周通封畿東西長而南北短短長相覆爲千里至襄王以河內賜晉文公又爲諸侯所侵故其分墜小唐天文志周之興也王畿千里及其衰也僅得河南七縣通典周之封城其西得今河南洛陽偃師東至緱氏鞏縣南得伊闕北至于河當戰國時其境最狹東西南北方百餘里溫孟州溫縣春秋僖十年狄滅溫蘇子奔衛於是襄王以賜晉文

地理通釋

卷之六
十

汲古閣

公 原在孟州濟源縣

漢軹縣原鄉
晉沁水縣南

絺在野

王縣西南今懷州河內縣

樊一名陽樊野王

縣西南有陽城國語陽人曰陽有夏商之詞典樊仲之官守樊仲山父食采於樊 隰邨在懷

縣西南

懷縣省入懷
州武陟縣

欒茅在懷州脩武縣北

向軹縣有地名向上

軹縣唐省入
孟州濟源縣

盟今盟

津在孟州河陽縣

陘通典河南府密縣有陘

山 隤在脩武縣北

懷卽懷縣

凡十二邑
禹貢覃懷之

地

南陽懷州脩武縣有南陽城晉啓南陽卽此今孟懷州皆春秋南陽之地 虎牢孟州汜

水縣

酒泉周邑

未詳

陳氏曰九州川浸澤

數各在職方不屬諸侯之版而詩不以圃田繫鄭春秋不以沙麓繫晉略可觀矣周季諸侯始擅不盼之利齊幹山海而桃林之塞郇瑕之地晉實私之僭侈滋甚往往稱伯甚者至周成貢百二十金於魏以易溫圃 呂氏曰言周秦之

地理通釋

卷之六
十一

汲古閣

疆弱者必歸之形執其說始於婁敬敬所見者特平王之周耳曷嘗見文武成康之周哉敬以周之形執爲弱秦之形執爲疆抑不知敬之所謂秦乃文武成康之周也文武成康之世岐豐乃周之都如敬之言被山帶河四塞以爲固者蓋皆周之形執當是時安有所謂秦者耶迨至平王東遷輕捐岐豐之地以封秦遂成秦之疆是秦非能自疆也得周之形執而疆也秦得周

之形執以無道行之猶足以雄視諸侯并吞天下況文武成康本之以盛德輔之以形執其孰能禦之耶是天下形執之彊者莫周若也敬何由見而遽以弱名周耶自平王捐岐豐以封秦既失周之半以破裂不全之周兢兢自保猶恐難立豈容復有所侵削今日割虎牢畀鄭明日割酒泉畀虢至襄王又頓捐數邑於晉隧固王章也千里之畿甸亦王章也襄王惜禮文不以地理通釋

卷之六
十二

汲古閣

與晉自謂能守王章抑不知割地自削則畿甸之王章既不全矣惜其一而墮其二烏在其能守王章耶 趙氏曰周之始東也以父子之變東而又東也以兄弟之爭 林氏曰周至平王而弱襄王而微敬王而亂此東周之三變也平王當齊晉秦楚代興之始襄王當齊晉秦楚爭伯之初敬王當齊晉秦楚俱弱之後夫四國疆而周弱四國伯而周微固其執也四國既弱而

周之亂又甚焉實周自爲耳

或曰觀史伯之言成周南有申呂而

有荆蠻焉北有衛而有翟焉何以無亂華之憂曰大雅有云大邦維屏大宗維翰此立國之根本也申呂在宛維周之翰何畏乎荆衛在河朔行方伯連率之職何虞乎翟肅肅謝功召伯營之爲申伯作也修爾車馬弓矢戎兵衛武自儆也乃心罔不在王室諸夏安而四夷服周之衰也申侯啓西戎之蹙而終爲荆所滅衛宣稔淫亂之惡而終爲狄所滅東遷之後晉鄭焉依晉有河東鄭有成臯滎陽皆洛都之屏翰也周亦不競於鄭奪其政取其田召狄以伐之於晉助蠱賊而翦覆焉賞篡逆而爵命焉征伐安得不自諸侯出乎然子頹之亂鄭之自入子帶之難又晉之由定猶有賴於二國也晉楚爭鄭迭爲勝負鄭以犧牲玉帛待於二竟宋之盟無夷夏

地理通釋

卷之六 十三

汲古閣

之辨申之會諸侯胥爲夷晉亦不臣而暴茂宗周至於率陰戎伐潁況蠻荆何有於周室劉文公合十八國于召陵謀伐楚而晉大夫以賄敗之諸侯遂不知有周矣嘗以春秋書魯者攻之天王來聘者七錫命者三期葬者四歸賑者一而公如京師者一朝王所者一卿大夫如京師者五君日卑而臣日慢福威下移冠履易位履霜於曲沃之命堅冰於三晉之命周自是不可爲雖孟子之言王道已絕望于周一魯仲連其能障橫流之波乎

黃氏曰荆

宛并韓其國都皆近京師宛衛武關以制楚韓

扞臨晉以制狄皆天下形勝故宣王中興特著

二詩焉大抵周人幽據全燕

制狄

齊據海岱制

徐淮

充冀翼蔽洛陽并荆控扼咸雍此天下全
執也觀九州山川險要之處與其建牧規模而
經略大體可見矣 朱氏曰自申繒之讐不復
而母家之屯戍是急鍾巫之賊不正而諸侯之
盟會狎至春秋所以作也討夏南之亂不出於
諸華而反出於夷狄之國請討田恒之無君不
見於公卿而特出於去位之大夫更戰國與秦
斯義愈晦然三戶亡秦之怨猶見於故楚之遺

地理通釋

卷之六
十四

汲古閣

老使者五反必欲復立魏後之義猶復見於先
魏之故臣感五世相韓之德不憚破家捐軀而
求報者猶有圯下孺子也天命流行人心如故
斯理詎可湮滅哉

通鑑地理通釋卷之六

終

通鑑地理通釋卷之七

名臣議論攷

古之謀國者知天下之大勢圖事揆策規畫先定無言不酬今自樂毅而下著于篇

樂毅對伐齊

樂毅爲魏使於燕燕王以客禮待之遂委質爲臣當是時齊湣王疆南敗楚相唐昧於重丘西摧三晉於觀津遂與三晉擊秦助趙滅中山破宋廣地

地理通釋

卷之七

汲古閣

千餘里與秦昭王爭重爲帝於是燕昭王問伐齊之事樂毅對曰齊霸國之餘業也地大人衆未易獨攻也王必欲伐之莫如與趙及楚魏於是使樂毅約趙惠文王別使連楚魏令趙啗秦以伐齊之利諸侯害齊湣王之驕暴皆爭合從與燕伐齊樂毅還報燕昭王悉起兵使樂毅爲上將軍趙惠文王以相國印授樂毅樂毅於是并護趙楚韓魏燕之兵以伐齊破之濟西諸侯兵罷歸而燕軍樂毅

獨追至于臨菑齊湣王之敗濟西亡走保於莒樂毅獨留徇齊燕昭王大說親至濟上勞軍行賞饗士封樂毅於昌國號爲昌國君樂毅留徇齊五歲下齊七十餘城皆爲郡縣以屬燕唯獨莒卽墨未服

重丘

應劭曰安德縣北五十里有重丘鄉水經注故

重丘縣

漢屬平原

在德州左傳襄二十五年諸侯同

地理通釋

卷之七

汲古閣

盟于重丘輿地廣記永靜軍將陵縣漢重丘縣

地隋於重丘故城置

唐屬德州

慶曆七年屬永靜

觀津

正義在冀州武邑縣東南二十五里輿地廣記

觀津鎮本趙地樂毅封於此號望諸君漢爲縣

屬信都

初屬清河外戚傳竇后家在觀津通典故城在德州舊縣東北後屬冀州

濟西

正義謂濟州已西左傳僖三十一年取濟西田

分曹地也水經注春秋莊十八年公追戎于濟
西京相璠曰濟水自鉅野至濟北是也蘇代曰
秦以濟西委於趙 有濟西趙之河東國危

臨淄

青州臨淄縣古營丘之地城臨淄水故曰臨淄
師尚父所封

莒

今密州莒縣故莒國

地理通釋

卷之七
三

汲古閣

昌國

正義故城在淄州淄川縣東北四十里漢齊郡
之縣

卽墨

今萊州之縣故城在縣西膠水縣南六十里

濟上

濟水之上禹貢濟東北會于汶孔氏云濟與汶
合 濟職方氏及漢志說文作涕兗州之川今

禹貢從水從齊乃字之誤當以古文爲正濟水出常

山郡房子縣贊皇山別是一水名音同實異

寧臺

索隱云燕臺也括地志元英磨室二宮皆燕宮

在幽州薊縣西四里寧臺之下戰國策云曆室

通典燕國都碣石宮

薊丘

正義薊縣西北隅有薊丘索隱云燕所都之地

地理通釋

卷之七 四

汲古閣

今燕山府薊縣因丘以名邑地理志薊南通齊趙勃碣之

間一都會也薊縣故燕國召公所封漢屬廣陽郡唐屬幽

州

汶篁

正義汶水源出兗州博城縣東北原山西南入

沛徐廣云竹田曰篁謂燕之疆界移於齊之汶

水索隱薊丘燕所都之地燕之薊丘所植植齊汶上之水

蕭何韓信論定三秦

項羽立沛公爲漢王而三分關中地王秦降將以
距漢王漢王怒欲謀攻項羽蕭何諫之曰雖王漢
中之惡不猶愈於死乎語曰天漢其稱甚美夫能
詘於一人之下而信於萬乘之上者湯武是也願
大王王漢中養其民以致賢人收用巴蜀還定三
秦天下可圖也漢王曰善 韓信拜大將王曰丞
相數言將軍將軍何以教寡人計策信曰項王雖
霸天下而臣諸侯不居關中而都彭城又背義帝
地理通釋

卷之七
五

汲古閣

約而以親愛王諸侯不平諸侯之見項王逐義帝
江南亦皆歸逐其主自王善地項王所過亡不殘
滅多怨百姓百姓不附特劫於威強服耳名雖爲
霸王實失天下心故曰其強易弱今大王誠能反其
道任天下武勇何不誅以天下城邑封功臣何不
服以義兵從息東歸之士何不散且三秦王爲秦
將將秦子弟數歲而所殺亡不可勝計又欺其衆
降諸侯至新安項王詐阬秦降卒二十餘萬人唯

獨邯欣翳脫秦父兄怨此三人痛於骨髓今楚強以威王此三人秦兵莫愛也大王之入武關秋毫無所害除秦苛法與民約法三章耳秦民無不欲得大王王秦者於諸侯之約大王當王關中關中民戶知之王失職之蜀民亡不恨者今王舉而東三秦可傳檄而定也於是漢王大喜自以爲得信晚遂聽信計部署諸將所擊漢王舉兵東出陳倉定三秦二年出關收魏河南韓殷王皆降令齊趙

地理通釋

卷之七
六

汲古閣

共擊楚彭城漢兵敗散而還信復發兵與漢王會滎陽復擊破楚京索間以故楚兵不能西信定河東使人請漢王願益兵三萬人臣請以北舉燕趙東擊齊南絕楚之糧道西與大王會於滎陽

興元府城

固縣有韓信臺卽高帝置壇設九賓之禮拜信爲大將

漢中

元和郡縣志屬楚秦惠文王取漢中地六百里爲漢中郡後漢注故城在今梁州南鄭縣東北

輿地廣記房金洋州興元府索隱云在楚之西

北漢水南穰侯相秦舉任鄙為漢中守

呂氏曰鄙之守

邊秦之所倚也

沛公王巴蜀漢中四十一縣都南鄭今

興元府南鄭縣

水經注云者舊傳云南鄭之號始於鄭桓公後桓公死於犬戎

其民南奔故以南為稱即漢中郡治也漢高祖入秦項羽封為漢王蕭何曰天漢美各也遂都南鄭大城周四十二里城內有小城南

憑北結環雉金墉漆井皆漢所修築

漢中地

形襟要高帝始基於此用能定三秦先主之用

蜀倚為重鎮

鄜商傳別將攻旬關西定漢中旬關洵陽縣郡縣志通關山在興元

地理通釋

卷之七

汲古閣

府城固縣東北九里漢高祖北定三秦蕭何守漢中欲修此道通關中故名通關山城固故城

在縣東六里韓信所築

巴蜀

秦二郡苴蜀相攻秦使張儀司馬錯取蜀譙周

曰苴今之巴郡也正義曰蜀王封其弟於漢中

號曰苴侯因命之邑曰葭萌苴侯與巴王為好

巴與蜀為讐故蜀王怒伐苴苴奔巴求救於秦

秦遣張儀伐蜀滅之因滅巴

括地志云苴侯都葭萌今利州益昌

縣葭萌故城是蜀侯都益州太史公曰巴蜀四塞棧道千里

唯褒斜綰轂其口在漢中

三秦

章邯王雍地理志右扶風輿地廣記鳳翔府屬雍國天興縣故雍縣都廢丘

韋昭曰卽周犬丘懿王所都秦更名廢丘漢更曰槐里括地志古城在雍州始平縣東南十里

輿地廣記京兆府興平縣司馬欣王塞顏氏曰取河華之固為阨塞地理志京兆

左馮翊廣記京兆府同州屬塞國都櫟陽括地志故城一名萬年城在雍州櫟陽縣

東北二十五里秦獻公城櫟陽卽此董翳王翟地理志上郡文頰曰本上郡秦所置

地理通釋卷之七汲古閣

項羽更名廣記延安府屬翟國都高奴延安府臨真縣法言曰漢初業

山南漢中也發跡王秦

關中

韓生曰關中阻山帶河四塞之地三輔舊事云

西以散關爲限東以函谷爲界二關之中謂之

關中雍錄云此說未盡顏氏曰自函谷關以西

總名關中徐廣曰東函谷南武關西散關北蕭

關其說是也史記正義東有函谷蒲津西有散關隴山南有嶢山武關北有蕭關

黃河在四關
中故曰關中

彭城

徐州之縣故大彭國春秋時宋封魚石呂氏曰
或咎羽不從韓生之計殊不知天時不如地利
地利不如人和以羽之暴雖王關中無益也

江南

項羽紀徙義帝長沙郴縣今郴州縣

新安

地理通釋

卷之七
九

汲古閣

河南府之縣括地志故城在澠池縣東二十三

里

漢屬弘農

武關

左傳哀四年楚人謀北方司馬起豐析以臨上
雒使謂陰地之命大夫曰將通於少習以聽命
杜氏注少習商縣武關也將大開武關道以伐

晉 商縣漢屬弘農郡後漢屬京兆晉屬上雒郡
隋改為商洛縣郡縣志商州即晉陰地也

史記貨殖傳南陽西通武關鄖關 應劭曰武關
秦南關通南

陽文頰曰在析西百七十里郡國志在南陽析縣西

志漢中長利縣有鄖關京相璠曰少習楚通上

洛阨道也水經注丹水自商郡縣志武關在商

州商洛縣東寰宇記九十里括地卽少習也楚

懷王三十年秦昭王遺懷王書願會武關詐令

一將軍伏兵武關號爲秦王至則閉執之以歸

楚世家秦兵出武關漢元年八月沛公攻武關

入秦子嬰立三月沛公兵從武關入至咸又七

地理通釋卷之七汲古閣

國反周亞夫擊之趙涉說曰從此右走藍田出

武關抵洛陽不過差一二日直入武庫擊鳴鼓

諸侯聞之以爲將軍從天而下戰國策卽墨大夫見齊王曰鄒

鄒大夫使收楚故地卽武關可以入矣武輿地

廣記商洛縣東有少習秦謂之武關賈誼新書

所謂建武關函谷臨晉關者大抵爲備山東諸

侯也田祿伯說吳王願得五萬人入武關淮南

王安曰發南陽兵守武關延岑自武關走陽林氏曰春秋時武關晉地非秦有也秦未得

武關故不可以制楚穆公之世秦伐都與楚爭
商密商密近武關呂氏曰沛公圍宛定南陽至
丹水還攻胡陽攻析酈皆降攻武關入秦引兵
繞嶢關踰黃山擊秦軍至藍田遂西入咸陽此
高帝入關所歷也王氏曰臨晉以限東諸侯武
關以限南諸侯函谷以限河北沛公南出轅轅
略南陽然後引兵而西則其破武關而入秦皆

南境也

晉桓溫代秦步兵自浙川趨武關太康地理志嶢關在武關之西法言或問義

地理通釋

卷之七十一

汲古閣

帝初矯劉龕南陽項救河北二方分崩一離一合設秦得人如何曰人無為秦也喪其靈久也

陳倉

縣屬右扶風輿地廣記鳳翔府寶雞縣故陳倉

故城在縣東二十里大散關在西南

郡國志注三秦記曰

秦武公都雍陳倉城是也

河南韓殷

申陽王河南鄭昌王韓司馬卬王殷呂氏曰漢

王降申陽而置河南郡降魏豹而得河東郡虜
司馬卬而置河內郡三河之地皆爲漢有矣故
告諸侯之辭有悉發關中兵收三河士之語也

滎陽

漢屬河南今鄭州滎陽滎澤二縣故城在滎澤縣西南十七

里范雎說秦昭王曰王下兵而攻滎陽則鞏成

臯之道不通呂氏曰滎陽成臯自春秋以來常

爲天下重地由秦而上晉楚於此而爭霸由秦

地理通釋 卷之七 十二 汲古閣

而下楚漢於此而分雌雄天下既定七國淮南

衡山之變猶睥睨此地而決成敗焉東都以後

言形執者及之者鮮矣人事旣改則地之輕重

亦有時而移也 高帝十二年詔陳平灌嬰將十萬衆屯滎陽帝以天下新定恐

易世之際人心或動搖故以信臣重兵填南北之衝地理志成臯亦名制滎陽故號國則成臯

滎陽皆東號地

京索

元和郡縣志鄭州滎陽縣京水出縣南平地索

水出縣南三十五里小徑山京縣故城縣東南
二十里卽鄭京城太叔之邑古大索城今縣治

左傳鄭子皮子
大叔勞諸索氏

小索城縣北四里史記正義京

縣有大索城小索城楚漢戰滎陽京索間卽此

三城蒯通曰楚人起彭城轉鬪逐北至滎陽乘

利席勝威震天下然兵困於京索之間迫西山

而不能進

應劭曰京縣有
大索小索亭

高帝紀與楚戰滎陽

南京索間

地理通釋

卷之七
十三

汲古閣

酈食其畫取楚之策

漢三年秋項羽擊漢拔滎陽漢兵遁保鞏楚人聞

韓信破趙彭越數反梁地則分兵救之韓信方東

擊齊漢王數困滎陽成臯計欲捐成臯以東屯鞏

雖以距楚食其因曰臣聞之知天之王者王事可

成不知天之王者王事不可成王者以民爲天而

民以食爲天夫敖倉天下轉輸久矣臣聞其下乃

有藏粟甚多楚人拔滎陽不堅守敖倉廼引而東

令適卒分守成臯此乃天所以資漢方今楚易取而漢反卻自奪便臣竊以爲過矣且兩雄不俱立楚漢久相持不決百姓騷動海內搖蕩農夫釋耒紅女下機天下之心未有所定也願足下急復進兵收取滎陽據敖倉之粟塞成臯之險杜太行之道距飛狐之口守白馬之津以示諸侯形制之執則天下知所歸矣方今燕趙以定唯齊未下今田廣據千里之齊田間將二十萬之衆軍於歷城諸地理通釋

卷之七
十四

汲古閣

田宗強負海岱阻河濟南近楚齊人多變詐足下雖遣數十萬師未可以歲月破也臣請得奉明詔說齊王使爲漢而稱東藩上曰善乃從其畫復守敖倉而使食其說齊王 轅生說漢王曰漢與楚相距滎陽數歲漢常困願君王出武關項王必引兵南走王浚壁令滎陽成臯間且得休息使韓信等得輯河北趙地連燕齊君王乃復走滎陽如此則楚所備者多力分漢得休息復與之戰破之必

矣
鞏

河南府之縣地理志東周所居元和郡縣志春秋晉師克鞏縣本與成臯中分洛水西則鞏東則成臯後魏併焉爾雅鞏固也四面有山河之固因以爲名

成臯

漢河南之縣故虎牢郡縣志河南府汜水縣

後屬

地理通釋

卷之七
十五

汲古閣

孟州

古東虢國鄭之制邑漢之成臯

隋改曰汜水

項羽

使曹咎守之漢王破之成臯故關在縣東南二

里通典云後漢置關春秋襄公二年遂城虎牢

十年成鄭虎牢胡氏春秋傳曰虎牢鄭地故稱

制邑至漢爲成臯今爲汜水縣巖險聞於天下

猶虞之下陽趙之上黨魏之安邑燕之榆關吳

之西陵蜀之漢樂地有所必據城有所必守而

不可以棄焉者也有是險而不能守故不繫於

鄭地理志注穆天子傳云七萃之士生捕虎即獻天子天子畜之東號號曰虎牢宋毛德

臣戍虎牢後魏晝夜攻圍二百日乃克

雒

河南雒陽縣周公遷殷民是為成周郡縣志故

洛陽城在縣東二十里顏氏曰魚豢云漢火行

忌水故去洛水而加佳如魚氏說則光武以後

改為雒字

敖倉

地理通釋

卷之七十六

汲古閣

書仲丁遷于囂詩搏獸于敖後漢注詩薄狩于敖即此秦於此築

太倉亦曰敖廩在今鄭州滎陽縣西北左傳晉師在敖鄙之間二

名秦建敖倉於成臯太康地理志敖地名在滎陽西

北上上臨河有太倉孟康注呂氏曰滎陽成臯控

南北之衝故秦積粟於此通典巨橋盈而殷喪

成臯溢而秦亡郡縣志敖山在鄭州滎澤縣西十五里宋武北征記秦時築倉

於山上漢高祖因敖倉傍山築甬道下汴水河南府河陰縣本漢滎陽地三皇山亦曰敖鄙山

上有三城即劉項相持處括地志云敖倉在滎陽縣西十五里石門之東北臨汴水南帶三皇

成臯之險

正義卽汜水縣山險之道淮南王曰先要成臯之口人言絕成臯之道天下不通婁敬曰與項

羽戰滎陽爭成臯之口

輿地廣記孟州汜水縣有故虎牢城有汜水關

東南有成臯故關西南有旋門故關陸璣洛陽記洛陽四關東有成臯關在汜水縣東南二里

太行之道

地理志太行山在河內山陽縣西北

山陽故城在懷州修

地理通釋

卷之七十七

汲古閣

武縣西北

正義云在懷州河內縣

河內縣本野王太行山在西北

二十五里澤州之南羊腸之道也白起攻南陽

河內修武也

太行道絕之范睢曰北斷太行之道則

上黨之師不下

山自孟州綿亘至幽州

崔伯陽感山賦云

或主或臣建功立業尤顯聞於後世則有決羊

腸之險塹此山之道攻滎陽伐韓以威天下應

侯爲秦昭王之謀也據敖倉之粟杜中山之阨

使天下知所歸者酈食其爲漢高祖之謀也踰

此山入射犬破青犢之衆殺謝躬於鄴以收復天下爲心者漢光武之謀也濟河降射犬之衆還軍敖倉屬魏种以河北事然後西向以爭天下者魏武帝之謀也進據武牢扼其襟要俾竇建德不能踰山入上黨收河東之地而卒以併

天下者唐太宗之謀也

郡國志河內野王縣有太行山有射犬聚世祖

破青犢輿地廣記射犬故城在懷州武德縣北蔡澤謂范睢曰君相秦決羊腸之險塞太行之

口

地理通釋

卷之七
十八

汲古閣

飛狐之口

臣瓚曰飛狐在代郡西南正義蔚州飛狐縣北百五十里有秦漢故郡城西南有山俗號飛狐口文帝紀匈奴入上郡雲中以令免爲車騎將軍屯飛狐匈奴傳云漢使三將軍軍屯北地代屯句注趙屯飛狐口後漢王霸與杜茂治飛狐道注云在今蔚州飛狐縣北通媯州懷戎縣卽古之飛狐口

晉劉琨自代出飛狐口奔於安次

常山圖經云山

北四百餘里號飛狐口

輿地廣記有飛狐谷飛狐關在代國南四十里

白馬之津

漢白馬縣屬東郡戰國策張儀曰决白馬之口

以流魏氏蘇代說燕曰决白馬之口魏無黃濟

陽楚伐魏决白馬之口

高誘曰白馬津名水經注河過黎

陽縣南為白馬津津之東南有白馬城唐滑州

黎陽津即此也今屬滑州白馬縣本衛之曹邑

黃河去外城十二步郡縣志白馬故關在衛州黎陽縣東一里酈食其說高祖曰杜白馬之

地理通釋

卷之七十九

汲古閣

津即此地後更名黎陽津黎陽津一名白馬津在白馬縣北三十里鹿鳴城之西南隅通典後

魏改為黎陽津

張耳陳餘從白馬渡河劉賈擊楚度白

馬津入楚地

顏氏曰即今滑州白馬縣河津

袁紹遣顏良攻劉

延於白馬

郡縣志白馬山在白馬縣東北三十里開山圖曰有白馬羣行山上悲

鳴則河决馳走則山崩津與縣蓋取此山為名慕容德改黎陽津為天槁津

歷城

今齊州縣漢屬濟南田廣罷歷下兵即其地

武關

見前

朱氏

黼

曰漢楚自彭城之後割鴻溝之先漢惟

京索一勝其他二戰每戰輒敗不特楚之兵威如飄風暴雨非漢所能遏而漢之視楚如羔豚之畏貔虎自南鄭以來雖決策東鄉之計定於韓信明其爲賊之義發於董公捐金以間其君臣之謀顯於陳平說布使叛楚捐關東地以與信越之議籌之隨何張良而其所以疲楚之力而分其執者猶未之講也獨轅生進說使楚力分而漢休息迨用之以平天下若生之策所謂多方以誤之亟肄以之者歟高帝自得是

闕

而南彭越破辭公下

地理通釋

卷之七
二十

汲古閣

邳羽於是棄成臯而東高帝破終公成臯羽於是復引兵而西羽拔滎陽猶設版也而漢之諸將已入其心腹燒其積聚矣羽不得已又揭揭而東羽方頓兵大梁分師援齊而漢之大兵已破其梟將拔取成臯矣羽不得已又躑躅而

西歲月未久奔走不寧智勇無幾前後受敵以一國之兵而分應數十以一人之力而奔命四方此其所以坐困歟 或曰漢取天下其征伐次敘大抵如秦秦人先據咸陽以爲形勝之執乃取巴蜀以爲富饒之本遂用范雎遠交近攻之策先滅韓魏次及楚及趙及燕然後并齊以一天下高祖始居巴蜀由蜀而取三秦然後韓信引兵取魏取趙取燕取齊與高祖會垓下以挫羽而滅之大抵先易而後難先小而後大先據形執而後進取此用兵之道也

賈誼論封梁淮陽

誼上疏曰陛下所以爲蕃扞及皇太子之所恃者唯淮陽代二國耳代北邊匈奴與強敵爲鄰能自完則足矣而淮陽之比大諸侯廬如黑子之著面適足以餌大國耳不足以有所禁禦高皇帝瓜分天下以王功臣反者如蝟毛而起以爲不可故斬

去不義諸侯而虛其國擇良日立諸子雒陽上東門之外畢以爲王而天下安今淮南地遠者或數千里越兩諸侯而縣屬於漢其吏民繇役往來長安者自悉而補中道衣敝錢用諸費稱此其苦屬漢而欲得王至甚逋逃而歸諸侯者已不少矣其執不可久願舉淮南地以益淮陽而爲梁王立後割淮陽北邊二三列城與東郡以益梁不可者可徙代王而都淮陽梁起於新鄴以北著之河淮陽

地理通釋

卷之七
三十二

汲古閣

包陳以南捷之江則大諸侯之有異心者破膽而不敢謀梁足以扞齊趙淮陽足以禁吳楚陛下高枕終無山東之憂矣文帝於是從誼計廼徙淮陽王武爲梁王北界泰山西至高陽得大縣四十餘城徙城陽王喜爲淮南王撫其民景帝立三年而吳楚趙與四齊王合從舉兵西鄉京師梁王扞之卒破七國

淮陽

高帝夷彭越分梁地爲二國立子恢爲梁王子友爲淮陽王文四年徙代王武爲淮陽王通典漢淮陽郡故城在陳州宛丘縣西南

代

高帝詔曰代地居常山之北與夷狄邊趙乃從山南有之遠數有胡寇難以爲國頗取山南太原之地益屬代代之雲中以西爲雲中郡則代受邊寇益少矣文帝以代王入卽位後分代爲

地理通釋

卷之七
二十三

汲古閣

兩國立子武爲代王參爲太原王四年徙參爲代王盡得故地都晉陽如故括地志并州太原地名大明城卽古晉陽

雒陽上東門

顏氏云東面最北出門曰上東門雒陽城十二門李尤銘云上東少陽厥位在寅水經注建春門卽上東門也晉曰建陽

梁

文十二年武徙梁七國反先擊梁棘壁梁王城
守睢陽而使韓安國張羽等爲將軍以距吳楚
吳楚以梁爲限不敢過而西 按睢陽今應天
府宋城縣括地志州南二里外城中本漢睢陽
縣張許守一城扞天下蔽遮江淮卽此地也棘
壁卽左傳大棘括地志大棘故城在宋州寧陵
縣西南七十里 寧陵屬
拱州

新鄴

地理通釋

卷之七
二十四

汲古閣

地理志汝南之縣春秋文十六年盟于鄴丘應
劭云秦伐魏取鄴丘漢興爲新鄴蘇秦說魏曰
南有新鄴則非漢改是名也 按郡國志新鄴建
初四年徙宋公於
此水經注潁水東南逕
宋公縣故城北鄴丘也 後漢郭竟封新鄴侯注
新鄴縣屬汝南郡故城在今潁州 今順
昌府 汝陰縣
西北鄴丘城是也

陳

古陳國輿地廣記陳州宛丘縣楚項襄王自郢

徙都焉陳勝據陳自立爲張楚漢高帝置淮陽國

泰山

今襲慶府奉符縣本漢博縣有泰山

高陽

郡縣志高陽故城在汴州雍丘縣西南二十九里高陽氏佐少昊有功受封此邑陳留風俗傳

高陽在雍丘西南

今開封府雍丘縣

酈生陳留高陽人

地理通釋

卷之七二十五

汲古閣

沛公至高陽傳舍徐廣云今在圉縣耆舊傳云

圉高陽鄉

郡國志圉有高陽亭

輿地廣記圉縣故城在雍

丘縣東南

淮南

文十二年城陽王喜王淮南故地十六年復王故城陽而立厲王三子王淮南故地三分之一

鄧禹說光武

鄧禹聞光武安集河北卽杖策北渡追及於鄴禹

進說曰更始雖都關西今山東未安赤眉青犢之屬動以萬數三輔假號往往羣聚更始既未有所挫而不自聽斷諸將皆庸人掘起志在財幣爭用威力朝夕自快而已非有忠良明智深慮遠圖欲尊主安民者也四方分崩離析形執可見明公雖建藩輔之功猶恐無所成立於今之計莫若延攬英雄務悅民心立高祖之業救萬民之命以公而慮天下不足定也光武大悅因令左右號禹曰鄧

地理通釋

卷之七
二十六

汲古閣

將軍常宿止於中與定計議及王郎起兵光武自薊至信都使禹發奔命得數千人令自將之別攻拔樂陽從至廣阿光武舍城樓上披輿地圖指示禹曰天下郡國如是今始乃得其一子前言以吾慮天下不足定何也禹曰方今海內淆亂人思明君猶赤子之慕慈母古之興者在德薄厚不以大小光武悅

邛彤對光武

世祖北至薊會王郎兵起使其將徇地所到縣莫不奉迎唯和戎信都堅守不下彤聞世祖從薊還失軍欲至信都乃先使五官掾張萬督郵尹綏選精騎二千餘匹緣路迎世祖軍彤尋與世祖會信都世祖雖得二郡之助而兵衆未合議者多言可因信都兵自送西還長安彤廷對曰議者之言皆非也吏民歌吟思漢久矣故更始舉尊號而天下嚮應三輔清宮除道以迎之一夫荷戟大呼則千里之將無不捐城遁逃虜伏請降自古以來亦未有感物動民其如此者也又卜者王郎假名因執驅集烏合之衆遂震燕趙之地況明公奮二郡之兵揚嚮應之威以攻則何城不克以戰則何軍不服令失此而歸豈徒空失河北必更驚動三輔墮損威重非計之得者也若明公無復征伐之意則雖信都之兵猶難會也何者明公旣西則邯鄲執成民不肯捐父母背成主而千里送公其離散

地理通釋

卷之七
二十七

汲古閣

亡逃可必也世祖善其言而止即日拜彤爲後大

將軍和戎太守如故使將兵居前北至堂陽

范蔚宗論

曰邳彤之廷對其爲幾乎語曰一言可以興邦斯近之矣

鄴 薊

相州臨漳縣本漢鄴縣 薊縣漢屬廣陽國今

幽州 燕山府

信都

冀州信都縣漢爲信都國治光武自薊還聞信

地理通釋

卷之七 二十八

汲古閣

都獨爲漢拒邯鄲即馳赴之任光爲太守開門

迎謁

樂陽

縣屬常山郡

廣阿

縣屬鉅鹿郡輿地廣記趙州隆平縣本廣阿後

漢注故城在象城縣西北

象城本朝改隆平

和戎

東觀記王莽分鉅鹿爲和戎郡居下曲陽以邳

彤爲卒正按鉅鹿郡下曲陽漢都尉治今祈州

鼓城縣

常山郡上曲陽今中山府曲陽縣有上故此云下

世祖徇河北

至下曲陽彤舉城降

邯鄲

縣屬趙國時王郎據邯鄲

邯山名鄲蓋也邯山至此盡

今屬

縣磁州

堂陽

地理通釋

卷之七二十九

汲古閣

縣屬鉅鹿今冀州南宮縣堂陽鎮

在堂水之陽

諸葛孔明對昭烈

先主屯新野徐庶謂先主曰諸葛孔明者臥龍也

將軍豈願見之乎先主遂詣亮凡三往乃見因屏

人曰漢室傾頽奸臣竊命主上蒙塵孤不度德量

力欲扶大義於天下而智術短淺遂用猖蹶至于

今日然志猶未已君謂計將安出亮荅曰自董卓

已來豪傑並起跨州連郡者不可勝數曹操比於

袁紹則名微而衆寡然操遂能克紹以弱爲彊者
非惟天時抑亦人謀也今操已擁百萬之衆挾天
子而令諸侯此誠不可與爭鋒孫權據有江東已
歷三世國險而民附賢能爲之用此可與爲援而
不可圖也荊州北據漢沔利盡南海東連吳會西
通巴蜀此用武之國而其主不能守此殆天所以
資將軍將軍豈有意乎益州險塞沃野千里天府
之上高祖因之以成帝業劉璋闇弱張魯在北民
地理通釋

卷之七
三十

汲古閣

殷國富而不知存恤智能之士思得明君將軍旣
帝室之胄信義著於四海總攬英雄思賢如渴若
跨有荆益保其巖阻西和諸夷南撫夷越外結好
孫權內修政理天下有變則命一上將將荊州之
軍以向宛洛將軍身率益州之衆出於秦川百姓
孰敢不簞食壺漿以迎將軍者乎誠如是則霸業
可成漢室可興矣先主曰善

新野 隆中

新野縣屬南陽郡唐省入鄧州穰縣 漢晉春秋諸葛亮家于南陽之鄧縣在襄陽城西二十里號曰隆中

荊州

刺史初治漢壽

武陵

後治南郡

江陵

南齊志云中平

末王睿始治江陵部郡七

劉表傳云荊州八郡

劉表爲牧

開土遂廣南接五嶺北據漢川地方數千里

漢沔左氏傳楚國漢水以爲池注云漢水出武

地理通釋

卷之七
三十一

汲古閣

都至江夏南入江水經沔水出武都沮縣東狼谷中地理志東漢水受氐道水一名沔過江夏謂之夏水入江 南海詩江漢于疆于理至于南海左傳楚奄征南海 吳會吳郡會稽郡永建四年分會稽爲吳郡吳志朱桓部伍吳會二郡莊子釋文云浙江爲吳會分界是也 巴蜀漢地理志江陵故郢都西通巫巴

益州

刺史初治雒部郡九屬國三劉焉爲牧徙治縣

竹漢川縣又徙治成都璋其子也張魯據漢中取

巴郡

宛洛

南陽西通武關鄖關東南受漢江淮宛亦一都

會也宛縣今鄧州南陽縣洛陽東有成臯西有穀黽通典

云襄陽北接宛洛高紀沛公北攻平陰絕河津

南戰雒陽東軍不利略南陽郡圍宛城陳恢見

地理通釋

卷之七
三十二

汲古閣

沛公曰宛大郡之都也連城數十

秦川

天水郡秦州秦始封之邑水經注秦水出大隴

山秦谷歷三泉合成一水而歷秦山川有秦亭

秦仲所封也高紀漢王從故道襲雍故道鳳州梁泉縣

孔明出祈山岷州長道縣岷州今西和州斜谷興元府褒城縣姜維

欲乘虛向秦川出駱谷鳳翔府盤屋縣此自蜀攻秦之

路

王杜平邊策

周世宗卽位獻平邊策曰唐失道而失吳蜀晉失道而失幽并觀所以失之由知所以平之術當失之時君闇政亂兵驕民困近者姦於內遠者叛於外小不制而至於僭大不制而至於濫天下離心人不用命吳蜀乘其亂而竊其號幽并乘其間而據其地平之之術在乎反唐晉之失而已必先進賢退不肖以清其時用能去不能以審其材恩信

地理通釋

卷之七
三十三

汲古閣

號令以結其心賞功罰罪以盡其力恭儉節用以豐其財徭役以時以阜其民俟其倉廩實器用備人可用而舉之彼方之民知我政化大行上下同心力彊財足人安將和有必取之執則知彼情狀者願爲之間諜知彼山川者願爲之先導彼民與此民之心同是與天意同與天意同則無不成之功攻取之道從易者始當今惟吳易圖東至海南至江可撓之地二千里從少備處先撓之備東則

撓西備西則撓東彼必奔走以救其弊奔走之間
可以知彼之虛實衆之彊弱攻虛擊實則所向無
前矣勿大舉但以輕兵撓之彼人怯弱知我師入
其地必大發以來應數大發則民困而國竭一不
大發則我獲其利彼竭我利則江北諸州乃國家
之所有也旣得江北則用彼之民揚我之兵江之
南亦不難而平之也如此則用力少而收功多得
吳則桂廣皆爲內臣岷蜀可飛書而召之如不至
則四面並進席卷而蜀平矣吳蜀平幽可望風而
至唯并必死之寇不可以恩信誘必須以彊兵攻
力已竭氣已喪不足以爲邊患可爲後圖方今兵
力精練器用具備羣下知法諸將用命一稔之後
可以平邊是時世宗銳意征伐已撓羣議親敗劉
旻於高平歸而益治兵慨然有平一天下之志數
顧大臣問治道選文學之士徐台符等二十人使
作爲君難爲臣不易論及平邊策朴在選中而當

地理通釋

卷之七
三十四

汲古閣

時文士皆不欲上急於用兵以謂平定僭亂在修
文德以爲先唯翰林學士陶穀竇儀御史中丞楊
昭儉與朴皆言用兵之策朴謂江淮爲可先取世
宗雅以知朴及見其議論偉然益以爲奇引與計
議天下事無不合遂決意用之歐陽公曰其陳用
兵之略非特一時之策至言諸國興滅次第云淮
南可最先取并必死之寇最後亡其後宋興平定
四方惟并獨後服皆如朴言

地理通釋

卷之七
三十五

汲古閣

高平

縣屬澤州秦破趙於長平卽此地顯德元年次
澤州及劉旻戰於高原敗之追及於高平又敗
之

吳江北諸州

顯德三年南征五年克淮南十四州以江爲界

揚楚泗滁和光黃
舒蘄廬壽海濠

揚泰滁和壽濠泗楚光海等

州已爲周有李景獻廬舒蘄黃

桂廣

南漢據四十七州桂廣其都會也世宗平江北

劉晟遣使脩貢為楚人所隔

岷蜀

顯德二年伐蜀克秦成階鳳

幽并

石晉獻十六州于契丹

瀛莫幽涿檀薊順蔚朔雲應新媯濡武寰顯

德六年北伐取瀛莫定三關

益津關為霸州瓦橋關為雄州淤口

地理通釋

卷之七
三十六

汲古閣

關上置寨述律謂周所取皆漢故地不足顧十四州

之地皆可取矣世宗疾功志不就自太原以北

十州

通典十二州有隆蔚

入於劉旻

沂代嵐石憲麟并汾沁遼

顯德元

年攻太原不克

蘇文忠公曰古之君子如伊尹太公管仲樂毅

之流其王霸之略皆定於畎畝中非仕而後學

者也淮陰侯見高皇帝於漢中論劉項短長晝

取三秦如指諸掌及佐帝定天下漢中之言無

一不酬者諸葛孔明臥草廬中與先主策曹操
孫權規取劉璋因蜀之資以爭天下終身不易
其言此豈口傳耳受嘗試爲之而僥幸其或成
者哉 張宣公曰蕭何爲相之初首薦韓信爲
大將而三秦之計遂定此得爲相用人之體

地理通釋

卷之七
三十七

汲古閣

通鑑地理通釋卷之七

終

通鑑地理通釋卷之八

七國形勢考上

地利不如人和在德不在險六國有地險而不修仁義卒并於秦秦又不監而漢滅之作七國形勢考

秦

蘇秦說秦惠王曰秦四塞之國被山帶渭東有關河西有漢中南有巴蜀北有代馬此天府也

戰國策云

地理通釋

卷之八

汲古閣

西有巴蜀漢中之利北有胡貊代馬之用南有巫山黔中之限東有穀函之固地勢形便此所謂天府天下之雄國也 范雎對秦昭王曰大王之國四塞以

為固北有甘泉谷口南帶涇渭右隴蜀左關坂此王者之地也 春申君說秦昭王曰大王之國徧天下有其二壘此從生民已來萬乘之地未嘗有也王又舉甲而攻魏杜大梁之門舉河內拔燕酸棗虛桃入邢魏之兵雲翔而不敢救王之功亦多矣王休甲息衆二年而後復之又并蒲衍首垣以

臨仁平丘黃濟陽嬰城而魏氏服王又割濮磨之
北注齊秦之要絕楚趙之脊天下五合六聚而不
敢救王之威亦殫矣 荀子疆國篇曰古者百王
之一天下臣諸侯也未有過封內千里者也今秦
南乃有沙羨與俱是乃江南也北與胡貉爲隣西
有巴戎東在楚者乃界於齊在韓者踰常山乃有
臨慮在魏者乃據圍津卽去大梁百有二十里耳
其在趙者剡然有岑而據松柏之塞負西海而固
地理通釋

卷之八

汲古閣

常山是地徧天下也威動海內疆殆中國然而憂
患不可勝按也認認常恐天下之一合而軋已也
此所謂廣大乎舜禹也 應侯問曰入秦何見荀
卿子曰其國塞險形勢便山林川谷美天材之利
多是形勝也 太史公六國表曰秦始皇小國僻遠
諸夏賓之比於戎翟至獻公之後常雄諸侯論秦
之德義不如魯衛之暴戾者量秦之兵不如三晉
之彊也然卒并天下非必險固便形勢利也蓋若

天所助焉或曰東方物所始生西方物之成熟夫
作事者必於東南收功實者常於西北故禹興於
西羌湯起於亳周之王也以豐鎬伐殷秦之帝用
雍州興漢之興自蜀漢 韓非初見秦曰天下陰
燕陽魏連荆固齊收韓而成從將西面以與秦疆
爲難今秦地折長補短方數千里名師數十百萬
秦之號令賞罰地形利害天下莫若也以此與天
下天下不足兼而有也 田肯曰秦形勝之國也
地理通釋

卷之八
三

汲古閣

帶河阻山縣隔千里持戟百萬秦得百二焉地執
便利其以下兵於諸侯譬猶居高屋之上建瓴水
也
巴蜀

甘茂曰張儀西并巴蜀之地北取西河之外南

取上庸

索隱張儀伐蜀蜀王
開戰不勝爲儀所滅

張儀說楚王曰秦

西有巴蜀大船積粟起於汶山浮江已下至楚
三千餘里舫船載卒一舫載五十人與三月之

食下水而浮一日行三百餘里數雖多然而
不費牛馬之力不至十日而拒扞關扞關驚則

從竟陵以東盡城守矣黔中巫郡非王之有

蜀見

於牧誓地與秦接通典云所謂巴實彭濮之人
秦惠王使司馬錯伐蜀有其地利州益昌縣古
劍閣道秦伐蜀所由謂之石牛道陳子昂云管
蜀與中國不通秦以金牛美女啖蜀侯侯使五
丁力士棧褒斜鑿通谷迎秦之餽秦隨以兵而
地入中州元和郡縣志武王伐殷巴人助焉後
封爲巴子其地東至魚復西楚道接漢中南極
牂柯是其界也戰國策秦伐蜀十月取之蜀既
屬秦益強秦紀惠文九年滅蜀華陽國志云蜀
之先肇於人皇之際黃帝爲子昌意娶蜀山氏

地理通釋

卷之八

汲古閣

後子孫因封焉秦滅蜀因滅巴通典巴國今巴
壁蓬集合忠萬是其地蘇氏曰秦之憂在六國
也蜀最僻最小最先
取楚最强最後取

漢中

楚地按秦紀孝公元年河山以東疆國六與齊

威楚宣魏惠燕悼韓哀趙成侯竝淮泗之間小

國十餘

所謂泗上十
二諸侯也

楚魏與秦接界魏築長城

自鄭濱洛以北有上郡楚自漢中南有巴黔中

周室微諸侯力政爭相併秦僻在雍州不與中

國諸侯之會盟夷翟遇之

正義云楚自梁州漢中郡南有巴渝過江

南有黔中巫郡

惠文十三年庶長章擊楚於丹陽虜其

將屈匄又攻楚漢中取地六百里置漢中郡齊

潛王遺楚王書曰王欺於張儀亡地漢中李斯

曰惠王用張儀之計南取漢中

蔡澤謂范雎相秦棧道千里通

於蜀漢

後漢注故城在梁州南鄭縣東北

殺函

呂氏春秋九塞殺其一也左傳晉敗秦師于殺

地理通釋

卷之八 五

汲古閣

殺有二陵杜預曰殺在澠池縣西北道在二殺之間南谷中谷湊委曲兩山相欽故可以辟風

雨古道由此魏武帝西討巴漢惡其險而更開北山高道

公羊傳云殺之欽

巖殺梁傳云殺巖唵之下春秋正義云俗呼爲

土殺石殺其阨道在兩殺之間

水經注穀水又東逕土嶠北所

謂三嶠也

甘茂自殺塞及至鬼谷

後語作槐谷注槐里之谷今京兆始

平地

其地形險易皆明知之郡縣志三嶠山

隋大

業元年廢三嶠道

又名嶽崆山在河南府永寧縣北二

十八里

自東嶠至西嶠三十五里東嶠長坂數里峻異絕澗車不得方軌西嶠石坂十

二里漢馮異破赤眉於峭底魏龐德破張白騎於兩穀間索隱鬼谷在關內雲陽郡國志弘農故秦函谷關電池有二峭寰宇記後割隸陝州破石縣在縣東北四十六里破石省爲石壕鎮入陝縣

本峭縣後魏置唐改秦函谷關在陝州靈寶

縣西南十二里函谷故城在縣南十里秦函谷

征記曰關城路在谷中溪險如函故以爲名其

中劣通上東西十五里絕岸壁立岩相陰蔭谷

中殆不見日關去長安四百里日入則閉雞鳴

則開秦法也東自峭山西至潼津通名兩谷號

曰天險所謂秦得百二也桃林塞自縣以西至

潼關皆是也春秋時晉侯使詹嘉處瑕守桃林

之塞漢書注顏氏曰今桃林縣南有洪澗澗水

即古所謂函谷也其水北流入河夾河之岸尚

地理通釋

卷之八

汲古閣

有舊關餘蹟焉武帝元鼎三年張良曰關中左

徙函谷關於新安縣屬河南府

殺函西都賦左據函谷二峭之阻西范睢謂左

京賦左有峭函重險桃林之塞

關阪即殺函也淮南墜形訓賈生過秦曰秦季

公據殺函之固春秋時殺桃林

九塞曰殺阪

晉地非秦有也

張儀曰秦地被山帶河四塞以爲固劉伯莊曰

四塞 關河

西河山謂華山四面有山關之固故曰四塞高誘注

函谷南武關西散關北蕭關東有函谷蒲津龍門合河等關

徐廣曰東

南山及武關嶢關西有大隴山及隴山關大震
烏蘭等關北有黃河南塞是四塞正義按秦地

西有隴關東有函谷臨晉南有嶢武關北有蕭

居庸天井關以臨胡庭故為關中地理志云秦地於禹貢跨

雍梁二州詩風兼秦函兩國穆公稱伯以河為

竟惠王得上郡西河杜篤論都賦曰西被隴蜀

南通漢中北據谷口東阻嶽巖關函守嶢山東

道竅置列汧隴靡偃西戎拒守褒斜嶺南不通

朔方無從

胡貉代馬

卷之八

汲古閣

地理通釋
胡樓煩林胡之類國策注貉在東北方三韓之

屬漢書注鼂錯曰秦時北攻胡貉代郡有胡馬索隱一云代郡馬邑張儀

說韓王曰秦馬之良探前跌後蹄間三尋騰者

不可勝數蘇厲說趙王曰代馬胡駒張良曰關中北有胡苑

之利索隱苑馬牧也馬生於胡代郡屬趙始皇二十五年虜

州馬邑屬雁門郡後魏置朔州索隱又謂代郡

有馬城縣然惠王之時代未屬秦當攷左傳冀

甘泉谷口

之北土馬之所
生注謂燕代

郡縣志甘泉山一名磨石嶺在京兆府雲陽縣

雲陽今屬耀州西北九十里周廻六十里雲陽宮即秦之林光宮漢

之甘泉宮在縣西北八十里甘泉山上關中記

甘泉宮在甘泉山上宮北有連山西都賦其陰

則冠以九變培以甘泉乃有靈宮起乎其

中西京賦其遠則有九變甘泉涸陰沍寒郊祀

志寒門者谷口也顏氏曰谷口仲山之谷漢為

縣今治谷是也仲山之北寒

涼故謂寒門地理志左馮翊谷口縣九變山在西

志白公引涇水首起谷口顏氏曰即今雲陽縣

治谷郡縣志京兆醴泉縣本谷口縣在九變山

東仲山西當涇水出山之處故謂之谷口史記

正義九變仲山西謂之谷口即古寒門在醴泉

隴

地理通釋

卷之八

汲古閣

縣東北四十里西北去甘泉山八十里燕鞠武曰秦地徧天下北有甘泉谷口之固南有涇渭之沃擅巴漢之饒右隴蜀之山左關嶠之險通典谷口縣故城在醴泉縣北後漢及晉為池陽隋改醴泉史記文帝後元三年置谷口邑

通典秦州

秦隴西漢天水郡隴縣今屬秦州隴城縣

有大坂

曰隴坻亦曰隴山

或謂之隴阪

三秦記曰其坂九廻

上者七日乃越

秦州有大隴山亦曰隴首山論都賦置列汧隴西京賦右有

隴坻之隘隴州汧源縣隴山一曰隴坻漢隴關

隔關華戎

今名大震隴所以限東西隴東則爲漢三輔隴關在縣西諸郡唐隴右之地唐六典注隴坻在秦州清水縣西則爲漢天水隴西

涇渭

地理志开頭山

开苦見反又音牽括地志作笄通典亦曰开屯山一名崆峒

在安定涇陽縣西

原州平高縣

禹貢涇水所出東南

至陽陵

京兆高陵

入渭

雍州川括地志涇水出原州百泉縣西南涇谷

鳥鼠

同穴山在隴西首陽縣西南

渭州渭源縣

渭水所出

東至船司空

華州華陰

入汀

雍州

東方朔曰漢都涇

地理通釋

卷之八

汲古閣

渭之南所謂天下陸海之地秦所以虜西戎兼

山東者也

法言曰秦東溝大河南阻高山南采雍梁北鹵涇堰便則申否則蟠

燕酸棗虛桃邢

秦始皇紀五年將軍騫攻魏定酸棗燕虛長平

雍丘山陽城皆拔之取二十城初置東郡地理

志東郡南燕縣

今滑州柘城縣故南燕國

陳畱郡酸棗縣

今開

封府縣唐屬滑州

正義云虛卽姚墟在濮州雷澤縣東

十三里

蘇代曰决宿胥之口魏無虛頓丘正義謂殷墟今相州所治

徐廣曰

燕縣有桃城

括地志故桃城在胥州胙城縣東三十里漢劉襄所封鮑氏曰任

城有桃聚

平泉有邢丘

正義邢丘在懷州武德縣東南二十里武德縣今省入河

內縣平泉縣故城在西

蒲衍

左傳注蒲在陳畱長垣縣西南

桓三年胥命于蒲徐廣曰長垣

有蒲鄉

輿地廣記古蒲邑在開封府長垣縣

子路為之

宰唐屬滑州

今按魏有蒲坂

今河中府河東縣魏世家秦拔我蒲坂是也

有蒲陽

故城在隰州隰州縣北四十五里在蒲水之北晉重耳所居邑魏世家秦降我

地理通釋

卷之八

汲古閣

蒲陽是也

此當為長垣之蒲索隱云衍在河南與卷

近

蘇秦曰北有卷衍

正義云在鄭州秦紀始皇九年攻

衍氏

曹參世家杜天侯反於衍氏進破衍氏正義謂魏邑在鄭州

首垣

戰國策韓侈謂秦王曰進齊宋之兵至首垣遠

薄梁郭趙世家公子刻攻魏首垣水經注竹書

紀年梁惠成王十三年鄭釐侯致平丘戶牖首

垣諸邑又云長垣縣故首垣秦更名

長垣漢屬陳畱今屬

開封府 **今按正義以首垣爲二邑**
首卽牛首故城在汴州陳留縣

西南四十一里垣卽長垣故城在匡城縣東北二十七里廣記開封咸平縣有牛首城水經注

沙水又東南逕牛首亭東左傳桓十四年宋伐鄭東郊取牛首襄十年晉伐鄭師于牛首鮑氏

亦以首垣爲二河東蒲坂有首山 **愚謂魏有王**

所謂雷首垣縣今絳州垣曲縣

垣
垣縣有王屋山故曰王垣魏武侯二年城王垣白起攻垣城秦始皇九年攻魏垣蒲陽是

也正義故垣城在絳州垣縣西北二十里 **有新垣**
魏世家秦拔我新垣曲陽之城是也

正義曲陽在懷州濟源縣西十里新垣近曲陽 **此首垣戰國策謂遠薄**

梁郭當從水經注爲陳留之長垣

仁平丘

地理通釋

卷之八十一

汲古閣

正義仁一本作任今任城縣屬濟州
地理志屬東平

理志平丘縣屬陳留春秋昭十三年盟平丘注

云在陳留長垣縣西南
郡國志長垣有平丘城

黃濟陽

戰國策云外黃地理志縣屬陳留
通典故城在汴州陳留縣

東魏河北河南皆有黃城蘇秦說齊曰趙襲魏

之河北燒棘溝墜黃城
括地志故黃城在魏州冠氏縣南十里此河北

之黃城也春申君傳正義故黃城在曹州考城縣東二十四里此河南之黃城也考城今屬拱州蘇代曰外黃濟陽地理志陳留外黃縣注有黃溝左傳惠公敗宋師于

黃注云外黃縣東有黃城水經注河水舊在白馬縣南沃通濮濟黃溝廣記外黃故城在開封府雍丘正義濟陽故城在曹州寃句縣西南三

十五里今開封府東明縣濟陽鎮漢濟陽縣屬陳留

濮磨新序云

徐廣云濮水北於鉅野入濟永初山川記云源出東郡地理志東

郡濮陽縣故城在開德府濮陽縣東左傳哀二十七年齊救鄭及濮注濮水自陳留酸棗傍

地理通釋卷之八

汲古閣

河東北經濟陰至高平入濟索隱磨地名近濮史記功臣表磨侯漢表作

歷地理志信都有歷縣括地志漢歷縣城在滄州舊縣西南四十六里舊縣今屬冀州樂毅書磨室一作曆按戰國策黃歇說秦王曰割濮磨之北屬之燕則地在河北

沙羨

地理志縣屬江夏羨音夷輿地廣記鄂州江夏縣漢沙羨地秦屬南郡劉表

使黃祖守沙羨為孫權所破楚世家熊渠伐庸楊粲至于鄂注九州記曰鄂今武昌春申君傳秦使白起攻楚取巫黔中之郡拔鄢郢東至竟陵復州秦紀昭王二十九年白起攻楚取郢為南郡李氏曰漢江夏之鄂縣吳更名武昌今武昌縣是也今鄂州乃漢沙羨水經注江中有

沙陽州沙陽縣治也縣本江夏之沙
美晉改沙陽故城今蒲圻縣一里

江南

戰國策城渾曰今邊邑之所恃者非江南泗上

也秦紀昭王三十年蜀守若伐取巫郡及江南為黔中郡三十一年楚人反我江南始皇二

十五年王翦定荆江南地楚世家襄王收東地兵復西取秦所拔我江旁十五邑以為郡距秦

楚辭章句襄王遷屈原於江南在江湘之間韓非初見秦曰取洞庭五湖江南貨殖傳

衡山九江江南豫章長沙是南楚也徐廣曰江南者丹陽

也秦

地理通釋

卷之八
十三

汲古閣

巴戎

巴在西南戎在西楊倞注秦紀武公伐邽莫戎初

縣之繆公用由余謀伐戎王益國十二開地千

里厲共公伐大荔取其王城孝公西斬戎之獮

王惠王十一年縣義渠匈奴傳秦穆公得由余西戎八國服於秦自隴

以西有縣諸緄戎翟獮之戎岐梁山涇漆之北有義渠大荔烏氏朐衍之戎趙良曰

五殺大夫相秦巴人致貢八戎來服

常山

地理志常山郡今真定府恆山在西避文帝諱改通典常

山在定州恆陽縣今中山府曲陽縣北一百四十里楊

法本趙山秦今有之張儀說楚曰秦地半天下席卷常

山之險必折天下之脊索隱云常山於天下在

北若人背脊

臨慮

地理志隆慮縣屬河內今相州林慮縣後漢避

改

鳩帝名

地理通釋

卷之八
十四

汲古閣

圍津

史記曹參世家至河內下脩武渡圍津徐廣曰

東郡白馬有圍津索隱按水經注白馬津有韋

正義括地志云黎陽津一名白馬津在滑州白

馬縣北三十里帝王世紀云白馬縣南有韋城

故豕韋國郡國志云白馬縣有韋城按韋津以

韋為名或變改曰黎陽及白馬之名圍與韋古

荅

字通滑州又有韋城
縣漢白馬縣地隋置
去大梁百有二十里
魏都也按

九域志滑州至東
京二百一十里

楊倞注苓地名未詳所在或曰苓與靈同漢書

地理志常山郡有靈壽縣今屬真定松柏之塞

戴延之西征記函谷是也蓋趙樹松柏與秦為界今秦據有

之按地理志清河郡有靈縣輿地廣記靈縣省入博州博平縣

西海

地理志金城郡臨羌縣西北至塞外有西王母

石室僊海關駟云西有卑和羌即獻王莽地為

西海郡者始皇紀云地西至臨洮羌

通典西海郡肅

地理通釋

卷之八十五

汲古閣

州之北千二百里司馬錯曰利盡西海正義云西方羌戎索隱云謂蜀川

西羌

禹生自西羌皇甫謐曰孟子稱禹生石紐西夷

人也

今孟子無此語

括地志石紐山在茂州汶川縣

本

駢西七十三里

蜀王本紀禹本汶山郡廣柔縣人生於石紐廣柔隋改曰汶川

秦宓曰禹生石紐今之汶山郡是也

輿地廣記綿州石泉

縣本漢廣柔縣地唐屬茂州有石紐山禹之所生也

趙

蘇秦說趙肅侯曰當今之時山東之建國莫彊於趙趙地方二千餘里西有常山南有河漳東有清河北有燕國燕固弱國不足畏也秦之所害於天下者莫如趙然而秦不敢舉兵伐趙者何也畏韓魏之議其後也然則韓魏趙之南蔽也竊以天下之地圖案之諸侯之地五倍於秦料度諸侯之卒十倍於秦六國爲一并力西嚮而攻秦秦必破矣竊爲大王計莫如一韓魏齊楚燕趙以從親以畔

地理通釋

卷之八
十六

汲古閣

秦令天下之將相會於洹水之上通質剗白馬而盟要約曰秦攻楚齊魏各出銳師以佐之韓絕其糧道趙涉河漳燕守常山之北秦攻韓魏則楚絕其後齊出銳師而佐之趙涉河漳燕守雲中秦攻齊則楚絕其後韓守成皋魏塞午道趙涉河博關燕出銳師以佐之秦攻燕則趙守常山楚軍武關齊涉勃海韓魏皆出銳師以佐之秦攻趙則韓軍宜陽楚軍武關魏軍河外齊涉清河燕出銳師以

佐之諸侯有不如約者以五國之兵共伐之六國從親以擯秦則秦甲必不敢出於函谷關以害山東矣 武靈王北畧中山之地至於房子遂之代北至無窮西至河登黃華之上召樓緩謀曰我先王因世之變以長南藩之地屬阻漳滏之險立長城又取藺郭狼敗林人於荏而功未遂今中山在我腹心北有燕東有胡西有林胡樓煩秦韓之邊而無彊兵之救 王謂公子成曰吾國東有河薄

地理通釋

卷之八
十七

汲古閣

洛之水與齊中山同之無舟楫之用自常山以至代上黨東有燕東胡之境而西有樓煩秦韓之邊今無騎射之備故寡人無舟楫之用夾水居之民將何以守河薄洛之水變服騎射以備燕三胡秦韓之邊且咎者簡主不塞晉陽以及上黨而襄主并戎取代以攘諸胡此愚智所明也先時中山負齊之彊兵侵暴吾地係累吾民引水圍郭微社稷之神靈則郭幾於不守也先王醜之而怨未能報

也今騎射之備近可以便上黨之形而遠可以報
中山之怨 韓非子應侯謂秦王曰弛上黨以臨
東陽則邯鄲口中蝨也 蘇厲爲齊遺趙王書曰
燕盡齊之北地去沙丘鉅鹿斂三百里韓之上黨
去邯鄲百里燕秦謀王之河山間三百里而通矣
秦之上郡近扞關至於榆中者千五百里秦以三
郡攻王之上黨羊腸之西句注之南非王有已踰
句注斬常山而守之三百里而通於燕代馬胡犬
地理通釋

卷之八
十八

汲古閣

不東下昆山之玉不出此三寶者亦非王有已

戰國策說張相國曰趙萬乘之強國也前漳滏右
常山左河間北有代帶甲百萬嘗抑彊秦四十餘
年而秦不得所欲 樂間對燕王曰趙四戰之國

也其民習兵

正義東鄰燕齊西邊秦樓
煩南界韓魏北迫匈奴

韓非初

見秦曰趙氏中央之國也雜民所居也

趙居邯鄲
燕之南齊

之西魏之北韓之東故曰
中央兼四國人故曰雜

常山

正義在鎮州西定州恆陽縣北百四十里地道記云

在上曲陽縣卽恆陽今曲陽縣西北百四十里北行四

百五十里得常山吸號飛狐口北則代郡也世

家母郅曰從常山上臨代代可取也括地志上曲陽故城

在定州曲陽縣西五里

河漳

正義在潞州地理志濁漳出上黨長子縣鹿谷

山今潞州長子縣發鳩山東至鄴入清漳清漳出沾縣大

地理通釋卷之八十九汲古閣

樂平縣少山蘇秦曰秦甲渡河踰漳據番吾則

兵必戰於邯鄲之下矣括地志蒲吾故城在鎮州房山縣東二十里言

秦兵渡河歷南陽入羊腸經澤路度漳水守蒲

吾城則與趙戰於都城下趙世家惠文王二十一年徙漳水武平

南括地志武平亭在瀛州文安縣北七十二里

張儀曰秦趙戰於河漳之上再戰而趙再勝一作清洛州有清漳縣山海經少山清漳水出焉郭璞曰至武安南入濁漳

清河

今貝州漢清河郡張儀說趙曰秦告齊使興師

渡清河軍於邯鄲之東

水經清水東入于河謂之清口卽淇河口也洪

水東北過廣宗縣東爲清河地
理志清河水出魏郡內黃縣南

洹水

正義出相州林慮縣西北林慮山中

地理志注隆慮山在

縣北 洹水在相州北四里

項羽與章邯盟洹水南殷虛上

正義國都城記云鄴縣城西南四十里有洹水

輿地廣記相州臨漳縣

本鄴縣後周分東北界置洹水縣

省入大名府成安

山海經神囷之山黃水出焉東流注于洹隋圖

地理通釋

卷之八
二十一

汲古閣

經俗謂安陽河卽聲伯夢涉之所

雲中

正義故城在勝州榆林縣東北四十七里漢匈

奴傳趙武靈王北破林胡樓煩自代並陰山下

至高關爲塞置雲中雁門代郡

雲中郡今勝州單于府之地

趙世家武靈王二十六年復攻中山攘地北至

燕代西至雲中九原二十七年西北畧胡地欲

從雲中九原直南襲秦

水經注虞氏記云趙侯自五源河曲築長城東

至陰山又於河西造大城一箱不就乃攻卜陰
山河曲晝見羣鶴游於雲中光在其下卽其處
築城今雲中城是也唐志烏
咄谷二百七里至古雲中城

午道

張儀說趙曰秦一軍塞午道索隱曰當在趙之

東齊之西鄭玄云一從一橫爲午謂交道也

鮑氏

曰長安有子午谷北山是子南山是午爲
子午道則午道秦南道也塞之使不得通

博關

正義涉貝州南河至博陵今博州博平縣漢屬

地理通釋

卷之八
二十一

汲古閣

東郡張儀說齊曰悉趙兵渡清河指博關臨淄

卽墨非王之有也

輿地廣記博州戰國屬齊趙
衛三國之交徐廣曰齊威王

六年晉伐
齊至博陵

勃海

正義齊從滄州渡河至瀛州溥沍志河出昆侖

經中國注勃海漢置渤海郡後魏置滄州春秋

釋例云海自遼西北平漁陽章武渤海樂陵樂

安北海東萊城陽東海廣陵吳郡會稽十四郡

之東盼以東

河外

索隱謂陝及曲沃等處正義謂同華州張儀說

齊曰梁效河外

索隱云河之南邑若曲沃平周等

說趙曰秦驅

韓梁軍於河外

正義謂鄭滑州北臨河

中山

春秋時為鮮虞定四年傳中山不服中山之名

乃始見于此

大事記威烈王十二年中山武公初立索隱曰中山古鮮虞國姬姓

地理通釋

卷之八 二十二

汲古閣

魏文侯使樂羊伐取之及武侯之世趙世家書

與中山戰于房子是時蓋已復國其後與諸國

並稱王其勢又強矣廣記中山府安喜縣古中

山國

新樂縣古鮮虞國李公緒趙記云鮮虞姬姓春秋之末曰中山

房子

縣屬趙州唐改為臨城

郡縣志故城在高邑縣西南五十里穆天子傳

曰至房子登贊皇山漢屬常山郡

代

北狄之別也世家曰翟戎者代之先也匈奴傳

趙襄子踰句注而破并代以臨胡貉正義代郡

城北狄代國秦漢代縣城也在蔚州羌胡縣當作

飛北百五十里輿地廣記蔚州本代國在常山之北趙襄子定代地及武靈王

置代郡趙有代句注之北與戎界邊

無窮

戰國策武靈王破原陽以為騎邑牛贊進諫王

曰昔者先君襄王與代交地城境封之名曰無

地理通釋

卷之八
二十三

汲古閣

窮之門所以昭後而期遠也

黃華

正義蓋西河側之山名水經注隆慮縣有黃水出于神困山黃華谷北

崖相州林慮縣本漢隆慮隋圖經黃花水出隆慮縣西北崖上高十七里去地七里懸水東

南注壑巖下其谷號黃花谷劉劭趙都賦置酒乎黃華之館

漳滏

通典相州滏陽縣有漳河滏水今屬郡國志鄴

有滏水劉劭趙都賦清漳發源濁滏汨越湯泉滏沸洪波飄厲戰國策吳起曰殷紂之

國左孟門而右漳滏文選注滏水熬若出於釜
因名焉郡縣志滏水出磁州滏陽縣西北四十
二里鼓山亦名釜山泉源奮湧若滏水之湯湯
故以滏名之八陘第四曰滏口陘山嶺高深實
爲險阨淮南墜形訓清漳出揭戾濁漳出發包
釜出景注二漳合流經魏郡入清河景山在邯
鄲西南滏水所出 山海經神囷之山滏水出
焉東流注于歐水注滏水今出臨水縣西釜口
山經鄴西北至列人縣入于漳其水熱魏都賦
北臨漳滏則冬夏異 沼水經注出石鼓山南巖
下冬溫夏冷東流注
于漳又謂之合河

長城

世家肅侯

十七年

築長城括地志武靈王長城在

地理通釋

卷之八
二十四

汲古閣

朔州善陽縣北按此所謂立長城者在武靈王
之前

藺郭狼

地理志西河郡有藺臯狼二縣戰國策知伯之

趙請蔡臯狼之地襄子弗與

鮑氏云蔡當作藺
世家成侯二十二年魏

敗我藺二十四年秦攻我藺肅侯二十二年秦
取我藺離石離石屬西河今石州 魏世家武

侯敗趙北藺正義云
在石州趙之西北

郭狼疑是臯狼

孟增幸於
周成王是

爲宅臯狼蓋成
王居之於臯狼

林人 林胡 樓煩

正義林人卽林胡也匈奴傳晉北有林胡樓煩

之戎如淳曰林胡卽澹林爲李牧所滅括地志朔州地

馮唐曰李牧破東胡滅澹林李牧傳云滅地理

志樓煩縣屬鴈門應劭云故樓煩胡也故城在代州焯

音郭縣趙世家主父行新地出代西遇樓煩王

於西河而致其兵

東胡

地理通釋 卷之八 二十五 汲古閣

正義趙東有瀛州之東北營州之境卽東胡烏

丸之地服虔云後爲鮮卑在匈奴傳燕北有東

胡周書已其後燕將秦開襲破之括地志云漢初冒頓滅共

國餘保烏丸山海經東胡在大澤東

西邊

正義云林胡樓煩卽嵐勝之北也嵐勝以南石

州離石蘭等七國時趙邑邊也秦隔河也管洛

潞澤等州皆七國時韓地爲並趙西境也

河薄洛之水

徐廣云安平經縣西有漳水津名薄洛津

水經注漳

水又歷經縣故城西水有故津謂之薄洛津

按漢信都國安帝更名安平通典貝州經城縣

漢經縣也本朝省

入大名府宗城縣袁紹在薄洛津

上黨

地理志本韓之別郡也遠韓近趙

後

卒降趙

韓非初見秦曰代四十六縣上黨十七縣廣記云秦上黨郡今澤潞遼州平定

威勝軍之地

地理通釋

卷之八
二十六

汲古閣

三胡

索隱云林胡樓煩東胡

晉陽

漢太原郡所治龍山在西北晉水所出北齊分

晉陽置龍山縣隋開皇十年改龍山曰晉陽而

以古晉陽縣為太原縣

隋唐地理志所謂晉陽縣乃古龍山縣所謂太

原縣乃古晉陽縣

自北漢劉氏以前郡治太原晉陽二

縣

太平興國四年王師下北漢徙州治陽曲縣本漢狼孟縣地而空其故城郡縣志太原

府城中又有三城其一曰大明城卽古晉陽城也左傳言董安于所築晉陽故宮一名大明宮

在州城內

鄆

郡縣志漢以為縣屬常山

武靈王三年城鄆

光武卽位

於鄆南千秋亭五成陌因改曰高邑

高齊移高邑於漢房

子縣東北今高邑縣是也隋於漢鄆城南十八里改置柏鄉縣屬趙州故城柏鄉縣北二十一

里輿地廣記趙州高邑縣之傳哀四年齊國夏

伐晉取鄆卽此

鄆音呼各反趙世家武靈王二十一年攻中山王軍取鄆石邑

地理通釋

卷之八 二十七

汲古閣

封龍東垣中山獻四邑和孫氏曰騎兵始於戰國之初武靈王胡服騎射全用匈奴之俗古法于是大變春秋正義曰古者馬以駕車六國之時始有單騎曲禮云前有車騎者漢世書耳左傳左師展將以公乘馬而歸此騎馬之漸戰國策王破原陽以為騎邑呂氏曰胡服騎射蓋始教一邑然後徧行之於境內漢地理志雲中郡原陽縣

東陽

左傳趙勝帥東陽之師以追齊杜氏注東陽晉

之山東魏郡廣平以北戰國策國子曰兼魏之

河南絕趙之東陽則趙魏亦危矣

地理志清河郡有東陽縣

道之關也楚之扞關水道之關也

楚肅王四年為扞關以距

蜀

榆中

武靈王二十年西略胡地至榆中戰國策王胡

服率騎入胡出於遺遺之門踰九限之固絕五

徑之險至榆中辟地千里

括地志榆中勝州所治榆林縣正義勝州

北河北岸地理志金城郡有榆中縣通典故城在蘭州五泉縣東伍被傳廣長榆開朔方注長榆在朔方即衛青傳所云榆谿舊塞或謂之榆中秦始皇紀西北斥逐匈奴自榆中並河以東

地理通釋

卷之八 二十九

汲古閣

屬之陰山以為三十四縣項羽傳云蒙恬為秦將北逐戎人開榆中地數千里注在上郡即今之榆林廣記榆林縣南有榆溪塞即蒙恬侵胡植榆為塞是也東有榆林關隋開皇三年置衛青傳按榆溪舊塞索隱水經云上郡北有諸次山諸次水出焉東經榆林塞為榆谷正義今榆林縣東四十里東北臨河
枚乘曰秦北備榆中之關

邯鄲

趙世家敬侯元年始都邯鄲地理志自中牟徙

此邯鄲北通燕涿南有鄭衛漳河之間一都會

也

張宴曰邯鄲山在東城下縣屬趙國今屬磁州有叢臺趙王故臺也戰國策馮忌曰武安

輿地廣記恩州歷亭縣漳南鎮本
漢東陽縣隋改漳南唐屬貝州

沙丘 鉅鹿

殷紀紂益廣沙丘苑臺括地志沙丘臺在邢州

平鄉東北二十里地里志趙中山地薄人衆猶

有沙丘紂淫亂餘民正義沙丘邢州也鉅鹿冀

州也括地志鉅鹿邢州平鄉縣城齊北界貝州也言破齊滅

韓之後燕之南界秦之北界相去減三百里趙

在中間也呂氏春秋九藪趙之鉅鹿注今鉅鹿廣阿澤廣

地理通釋

卷之八 二十八

汲古閣

記邢州鉅鹿縣有禹貢大陸澤地理志鉅鹿縣
大陸澤在北紂所作沙臺在東北七十應劭

曰鹿林之大者十三州
志唐虞時大麓之地

上郡

正義鄜延等州通典今綏鄜銀麟夏坊延丹等州地括地志故城

在綏州上縣通典龍泉縣東南五十里秦惠文十年魏納上郡十

五縣廣記云上郡今麟延安
丹坊鄜銀夏綏德保安之地

扞關

呂氏云扞者扞敵之扞非關名也趙之扞關陸

君采七勝之威與馬服之子戰于長平之下因以餘兵圍邯鄲趙以亡敗之餘衆而秦罷於邯鄲之下趙守而不可拔攻難而守者易也

牟腸

魏世家如耳曰昔者魏伐趙斷牟腸拔闕與約斬趙趙分而爲二所以不亡者魏爲從主也蔡澤謂應侯曰君相秦坐制諸侯決牟腸之險塞太行之道正義云太行山坂道名南屬懷州北

屬澤州呂氏春秋九山之一也盤紆如牟腸

秦上

地理通釋

卷之八
三十

汲古閣

黨郡今澤潞儀沁四州之地兼相州之半韓總有之至七國時趙得儀沁二州之地韓猶有潞州及澤州之半半屬趙魏沁州在牟腸阪之西儀并代三州在句注山之南秦以三郡攻趙之澤潞則句注之南趙無地淮南子注云說苑桀之居伊闕在其南牟腸在其北今太原晉陽西北九十里通河西上郡關曰牟腸坂是通典太原府陽曲縣有乾燭谷卽牟腸坂後漢鄧訓傳注石磴縈委若牟腸焉今嵐州界牟腸坂是也隋煬帝登太行山問崔曠曰何處有牟腸坂對曰案漢書地理志上黨潞州壺關縣有牟腸坂帝曰不是又答曰案皇甫十安撰地書云太原北九十里牟腸坂帝曰是也戰國策說秦王曰兩攻修武踰牟腸降代上黨郡縣志牟腸山在太原府交城縣東南五十三里

句注

正義句注山

音章句之句一音鉤

在代州鴈門縣西北四

十里

郡縣志在朔州鄆陽縣東八十里代州鴈門縣西北三十里一名西陘山

呂氏

春秋九塞之一也地理志在鴈門陰館縣

劉劭趙都

賦其近則有天井句注飛狐太行瑤錯磔硤屬阜連岡劉敬傳漢兵已踰句注蘇厲曰齊反至分先俞於趙正義至音邢分當作山括地志句注山一名西陘山俞音戎爾雅云西踰鴈門是也郭氏注云西踰即鴈門山按西先聲相近蓋陘山西踰二山並在代州鴈門縣皆趙地趙世家襄子北登夏屋括地志夏屋山一名賈屋山在代州鴈門縣東北三十五里與句注山相

地理通釋

卷之八 三十一

汲古閣

按蓋北方之險亦天下之阻鴈門縣本漢廣武地理志賈屋山在太原廣武縣北匈奴傳趙襄子踰句注而破并代漢文紀蘇意為將軍屯句注郡國志注爾雅八陵西踰鴈門是也張儀說燕曰昔趙襄子欲并代與代王遇於句注之塞郡縣志晉咸寧元年句注碑曰蓋北方之險有盧龍飛狐句注為之首天下之阻所以分別外內也

河間

瀛州地理志注在兩河之間

戰國策趙王曰秦下甲攻趙趙賂之

以河間十二縣

通鑑地理通釋卷八終

